

րովք վաւերեալ (Պաթթի Շէրիֆ) եւ 'ի ձեռս Յունաց :
 Յետ անելոյ Յունաց զայս հրովարտակ , ետուն կար-
 դել 'ի դրանէ զԻսլրահիմ Աղա իրրեւ պաշտօնեայ եւ ու-
 տիկան այսմ գործոյ . եւ նովաւ հանդերձ դիմեցին առ
 Կոստակալն Դամասկոսի Չէթէճի Ապտուլլահ Փաշա , եւ 'ի
 նմանէ առին դիր հրամանի առ դատաւորս Երուսաղէմի ,
 զի անթերի կատարեսցեն զհրաման Արքային : Եւ ապա
 մեկնեալ անտի հասին յԵրուսաղէմ , եւ 'ի դատարանի 'ի
 բազմամբոխ ատենի ընթերցան զհրովարտակն եւ զայլ գը-
 րեանս , եւ անտի չոքան 'ի գերեզմանն Ս . Աստուածածնի .
 ետուն դատարկել եւ հանել արտաքս զամենայն անօթս եւ
 եկեղեցական սպասս , զկանթեղս եւ զաշտանակս Լատինաց ,
 առին նաեւ զբանալի արտաքին դրան : Եւ անտի չոքան
 'ի Բեթղէհէմ , ուր 'ի հրապարակի վերստին ընթերցաւ
 հրովարտակն , եւ ապա ետուն դատարկել Լատինաց զեկե-
 ղեցին մեծ . էսա ոստիկանն զփականս դրանց 'ի ձեռաց
 Լատինաց եւ ետ ցՅոյնս , եւ նոքա եղին նոր փականս 'ի
 դրունս Այրին Ծննդեան , եւ անտի եկին 'ի տաճարն Սուրբ
 Յարութեան , նոյնպէս կարգադրեցին անդ զխնդիրս Յու-
 նաց : Այսպէս բարձաւ իշխանութիւն Լատինաց 'ի գե-
 րեզմանէ Ս . Աստուածածնի եւ յեկեղեցւոյն Բեթղէհէմի
 յամի Տեառն 1758 . յ7 Հոկտեմբեր ամսոյ , որպէս գրէ
 Ջուղայեցի Ստեփաննոս վարդապետ լուսարար Ծննդեան :
 Իրրեւ կատարեցին Յոյնք զայս ամենայն՝ եւ նուաճեցին
 զԼատինս , ձեռն արկին գործել զայլ ինչ՝ զոր ոչ էր հրա-
 մայեալ Արքայի , զի տենչանք տիրապետութեան ստիպէր
 զնոսա հալածել նաեւ զայլ քրիստոնեայս 'ի Ս . Տեղեաց
 եւ զրկել զնոսա 'ի մասնակցութենէ նոցին՝ եւ ինքեանք
 միայնակ տիրապետել : Սակայն վէճն Յունաց միայն ընդ
 Լատինաց էր , եւ 'ի հրովարտակին զոր առին Յոյնք՝ չէր
 ինչ հրաման եւ կամ նշանախեց ինչ վասն Հայոց : Այլ
 Իսլրահիմ աղա յետ արտաքսելոյ զԼատինս 'ի տեղեաց
 անտի՝ արտաքսեաց նաեւ զՀայս , զի ետ հանել զեկեղե-
 ցական զարդս եւ զկանթեղս 'ի գերեզմանէ Ս . Աստու-
 ծածնի , եւ էսա զբանալի արտաքին դրանն եւ ետ ցՅոյնս ,
 եւ արդել այնուհետեւ զՀայս եւ զհետեւակս նոցին չմտա-
 նել յեկեղեցի անդր : Յոյնք բարուք որսացեալ զկամս